

وكانت تخفى غضبها بضغطة ظاهرة على شففتها زادتها طولاً وضموراً
ولما جاءت تناول الأقداح ، فاحت له منها ، رائحة غريبة عن أنفه ..
خليط من عرق وقذارة ، وعطر فيه قرنفل وشند (١) ولم يشعر عليوى
إلا وهو منطلق فى الحديث ..

« فضلنا نتكلم .. وفضلوا يسألونى عن الغنم : رايح بيهم فين؟ ومعاً
كام ؟ أنا خمت يكونوا بيسهونى عن حاجة والا ملعوب . قلت
قوم حوش عن غنمك . رجعت مطرحى مقدرتش أيام .. يادوبك
عينى بعد نص الليل غفلت ، إلا وصحيت على نبح الكلب . وأبص ألقى
غنمى متفركة فدام ثلاث عساكر ، خيولهم عينها فى الظلام زى الشرر
لسه فاكرهم لدلوقتى .. بقيت محبول أجرى وأقع .. كل ما التفت
ناحية العجر ألقى المسكر نازلة فى الخيام هد ، والنار انطفت وبقت
دخان . وسعت الشتمة نازلة فيهم : « يا حرامية .. يا خطافن باولاد
الكلب .. » دراعاتهم تهتر فوق رؤوسهم ، يزققوا : « فى عرضك
ياسعادة الشاوبش .. » ولاكن ولا فائدة .. لموهم كلهم فى
سلسلة وأنا فضلت أجمع فى الغنم ، اغاية ما حملت ربنا واناميت عليهم
رجعت مطرحى ، جيت أشيل الجلابية وأنام ، ما أبص إلا والآتى البننت
الغجرية مكومة نفسها ولازقة فى الحيطلة أقولك الحق ارتعشت من الخضة ،
يا خبر اسود ! إيه التهمة اللى جبالى دى ؟ !

- بنت إنب هنا ؟ ليش جبابك ؟ بتعملى إيه ؟

(١) نبات عطرى يستخدم للبخور .